



Inatsisartunut ilaasortaq Per Rosing-Petersen,  
Partii Naleraq

**Silaannakut angallannermi suliassa qarfimmik tigusinissaq pillugu § 37  
naapertorlugu apeqquteqaammut 2018-049-mut akissut**

23-02-2018  
Suliaq nr.: 2018 - 4135  
All. nr. 27810011

Asasara Per Rosing-Petersen

Postboks 909  
3900 Nuuk

Inatsisartut suleriaasianni § 37 naapertorlugu apeqquteqaatinut nassiussannut qujanaq. Apeqqutitit uannut akisassanngorlugit innersuunneqarput. Apeqqutit matuma kinguliani ataasiakkaarlugit allanneqarput, akissummillu malitseqarlutik. Akissuteqaat Naalakkersuisut Siulittaasuata Naalakkersuisoqarfia suleqatigalugu suliarineqarput.

Tif.: (+299) 34 50 00  
E-mail: box909@nanoq.gl  
www.naalakkersuisut.gl

**Apeqqut 1.**

**Naalakkersuisut, Danmark Naalagaaffiup aqqaniittut akisussaaffiit  
oqartussaaffigilersinnaasami, oqartussaaffigilernissamut  
pilersaaruteqannginnertik (§ 37 apeqqut, nr. 2018-25) nalunaarutigaat.  
Inatsisartulli ataatsimiinneranni (UPA 2017 imm. 180) silaannakut angallannerup  
akisussaaffik oqartussaaffigilernissamut suleqatigiissitamik pilersitsinissaq  
Inatsisartut akuerinikuaat. Tamanna sumut killippa?**

Akissut:

Naalakkersuisut § 37 naapertorlugu apeqquteqaammut nr. 2018-25-mut akissutaanni ilisimatitsissutigineqartutut suliassa qarfinnik, namminersorneq pillugu inatsimmi ilanngussami Allattuiffik I-imi aamma Allattuiffik II-mi allassimasunik tamanik tigusinissaq pilersaarutigineqanngilaq.

Inatsisartut 2017-imi upernaakkut ataatsimiinneranni Inatsisartut oqallisissaanni immikkoortup 180-ip ataani aalajangiiffigisassatut siunnersuummut Inatsisartut akuersinerat naammassiniarlugu Naalakkersuisut sulineranni suliat pilersaarutit malillugit siumut ingerlanneqarnerat killiffigineqarpoq. Suliassa qarfiup pisariunera eqqarsaatigalugu suleqatigiissitap nalunaarusiamik tunniussinissani Inatsisartunullu agguanneqarnissaa naatsorsuutigaa.

**Apeqqut 2.**

**Sooruna Naalakkersuisut Inatsisartut siunnersuutaat akuerineqareertoq § 37  
apeqqut, nr. 2018-25 akineqarnerani tamanna pisimangitsuusaartikkaat?**

Akissut:

Apeqqummut saqqummiunneqartumut akissutitit apeqqut 1-imut akissutigat innersuussutigissavara. Tamatuma saniatigut torersaarnissaq eqqarsaatigalugu erseqqissaatigissavara, Naalakkersuisut Inatsisartut siunnersuutaat akuerineqareersoq § 37 naapertorlugu apeqqummut nr. 2018-25-mut akissuteqaammi pisimangitsuusaartinngimmassuk.

Apeqquummut 2018-25-mut akissummi ilisimatitsissutigineqarpoq, Naalakkersuisut suliassaqarfiup "Sullivimmi avatangiisit" tiguneqarnissaanut siunnersuummik Inatsisartunut saqqummiussisimasut, kiisalu Naalakkersuisut suliassaqarfinnik allanik naalagaaffimmiit tigusinissamat siunnersuutininik saqqummiussaqaqngitsut.

Ilisimatitsissutit marluk taakku eqqortuupput, aammalu apeqquummut 2018-25-mut akissuteqaatip iluani allami allassimangilaq, Naalakkersuisut Inatsisartut siunnersuutaannut akuerineqareersumut piviusuusaartitsisimasut.

### **Apeqquut 3.**

**Namminersorlutik oqartussat aqqani pisortaqarfiit paatsoorsaarialutik kukkusunillu paasissutissiigaangata qanoq Naalakkersuisut iliuuseqarnissamat periuseqartarniarpat?**

Akissut:

Apeqqutinut 1-imut aamma 2-mut akissutini allassimavoq, Naalakkersuisut paasissutissanik paatsoornartunik eqqunngitsunillu saqqummiussisimanerannik nassaartoqaqngitsaq.

Apeqqutinut allanik oqaaseqaatissaqaqngilanga.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Erik Jensen